

張循理召儼出獄飯而逸循理坐死至是捕得伏誅

夜大星青白光起閣道行至濁

是月巡按江西監察御史陳祚疏請上讀大學行義上

怒甚曰此吾几案間物豎子將謂吾目不知書耶命械入之

并其舉家下錦衣獄籍其產明年壬子父思恭死弟禮死祭

丑母顏氏死兄祐死甲寅從子瑞死蓋獄中凡五年始釋得

歸殯終喪

三月乙丑朔昏刻熒惑犯亢

丙寅江西新淦縣丞厲忠與土豪苛斂激變械入京伏誅

夜大星青白光出五帝內座行至雲中

丁卯增各府縣佐貳官三百七十一員專撫逃民

戊辰長巡撫周忱減江南華亭上海等縣田租二萬七千九百

餘石准民田戶部言其變亂成法沽名上不聽

辛未貸直隸廣平和順飢民粟

壬申雨上作喜雨詩賜楊士奇楊榮

夜大星青白光燭地起文昌行至游氣


癸酉貸河南涉縣林縣飢民粟

乙亥巡撫江西侍郎趙新請令吏部考察布按二司官定其

國權

宣德六年

六



賢者後可責其考驗有司上從之

浙江温州知府何文淵奏自永樂十年至宣德三年積欠弓箭若干臣到任來僅督完二年右布政艾瑛將考滿遂催徵嚴急久逋猝辨何以應急乞聽布政給由弓箭續解從之

丙子兼行在戶部事禮部尚書胡濙等言今清造黃冊乞榜諭迓民復業從之

丁丑廣東碣石衛輸京庫降香四百斤缺四十餘斤令償之上以權衡或重免之

辛巳起福建布政使左叅政顏澤憂去部民乞留復

勅四川都指揮僉事邢安鎮守松潘

壬午昏刻大星如碗青雲白光起雲中行至濁又大星赤光

燭地出牽牛流至雲中

甲申夜大星赤光自軫行至宿

乙酉夜大星赤光自壁行至濁


已丑潘松北定簇長官司言蠟匝等寨坐番恣劫招之不服

上命再撫諭之徐議兵

昏刻大星赤光自柳西行至南河

庚寅夜大星赤光起文昌行至濁

國權 宣德六年



壬辰夜大星赤光燭地出自軫西行至游氣炸散

甲午蘊門答刺國王罕奴里阿必丁入貢

四月乙未朔山東益都知縣曹純言戶部仍追復業民逋租有

違息詔 上免之

丙申夜大星赤光出軫南行至濁

戊戌昏刻彗出東井長五尺

壬寅夜大星青白光出貫索行至左攝提

甲辰賑山西五臺縣飢

乙巳行在戶部尚書郭敦卒敦字仲厚山東堂邑人洪武中

監生癸酉鄉試中式授戶部主事歲餘守浙江衢州七年止

火葬禁淫祠一志愛民坐逮者民伏闕為辯後起御史進河

南左叅政調陝西嘗入京 文皇帝拜禮部右侍郎兼太僕

卿洪熙初進戶部左侍郎兼少詹事宣德二年長戶部忘身

愛國知無不言沒後家無貲年六十有二予祭葬

丙午封志填永壽王

戊申行在兵部右侍郎王驥署行在都察院事


巡撫直隸侍郎周忱兼督蘇松常鎮并浙江嘉湖等衛軍巡

捕盜賊

國權

宣德六年

八



夜月掩房星

巳酉行在兵部右侍郎柴車與監察御史

往山西經理

屯田

壬子賑葉縣飢民

癸丑召寧夏總兵官寧陽侯陳懋還京

甲寅曲先衛指揮同知散即思等進馬謝罪宥之

命求賢應舉官四十三人會官考試授職

乙卯增置武功右衛

丙戌江南溧陽縣妖人錢成等伏誅成子質嘗危疾復生云

李老君遂萌異志招黨焚掠勅襄城伯李隆捕獲之

命黥刺逆匠尋以非制傳之論如律

夜大星青白光出自房行至濁

戊午大理寺丞柴震為右少卿交趾右叅政孫子良改山東

復董升許州知州魏儀銅仁府推官賈祺祁州判官徐士宗

貴溪知縣俱秩滿當遷吏民詣京奏留各加俸二級復任

翰林院編修李真引疾改廣東高州教授


己未北平失都等四十九人携家來歸居京師授官有差

遣賜和寧王阿魯台盈甲龍衣阿魯台偏于瓦刺南奔或請

國權

宣德六年

九



兵掩之上曰仁者不迫人于險

壬戌免山東霑化壽光樂安等復業逋租

遣視山西蒲吉永和滎河猗氏臨晉太平稷山萬泉河津襄

陵等縣旱災

五月甲子朔起復江南蘇州知府况鍾時郡人留之巡按御史

金濂已奪情視事

甯浙江按察使閩縣林碩初按察使吏訐碩受寧波知府黃

永私餽入京造舟詰永則鄉物其舟碩自橐也遂不問

夜大星赤光燭地起墳墓行至霹靂

乙丑潘王模薨王母趙貴妃初國潞州改潞安洪武二十四
年封永樂六年之國惇靜守禮在位四十一年謚曰簡

賑富順縣饑

丙寅黎利遣其僕射黎汝覽汝吏部尚書何栗等上言陳氏
無後奏聞且謝罪請封許之

己巳申明御史巡按有司迎送之禁

辛未巡按四川監察御史王翹上便宜五事曰松潘衛極邊


去四川城八百餘里總兵官陳懷嘗城居緩急非便宜往彼


鎮守曰松潘茂州諸衛所軍餉皆內地轉運多被掠宜貯成

國權

宣德六年

十





都等倉俟農隙起運撥軍護送曰四川所屬吏典自洪武以來多不給由貽害良民若立限許自首免罪曰立社學曰輕罪納粟會川衛銀場給餉 上悉行之勅陳懷往鎮松潘 壬申遣內官楊琳勅諭老撾軍民宣慰使刀線達 誅浙江麗水縣盜陳才等

甲戌江西湖廣二都司兵三千餘人勦永新縣梅花峒賊未克適貽民害命召還止留二百人捕之 夜大星如碗青白光燭地起天井行至濁 已卯起復陝西鳳翔知府韓福

庚辰占城入貢

辛巳行在刑科給事中李芳好訐奏自務降海鹽縣丞

壬午免成安永年逃租

甲申都察院右副都御史胡廩先採蜀木私役官軍造什器 乾沒白金白蠟巴縣知縣雷升發之下刑部論死 上宥之 安置遼東

丁亥行在吏部驗封司郎中章啟為行在禮部右侍郎行在 兵部職方司員外郎徐瑛為行在右通政

夜大星青白光燭地出文昌行至濁

戊子江南松江知府趙豫上四事曰清軍之害曰勾補灶丁
之若曰官田地一體減收曰勘實逃亡人戶命酌行之
夜月犯昴星

己丑命南京府部院寺正官公事赴京俱給駟

免閩外軍丁運糧從武進伯朱冕之言

昏刻大星赤光出天井入雲中又大星出畢流入雲中

壬辰和寧王阿魯台使臣卜兒罕虎力為都督僉事時阿魯

台二千騎駐帳集寧海子


能仁寺西僧孤納芒葛辣遍干諸王矯旨採察遼王奏之逮

至京棄市

六月己亥行在禮部右侍郎章敞右通政徐琦招持詔命黎利
權署安南國事黎利在國先私自帝

田汝成田文皇帝當陳氏之微黎氏之叛怵惕水火一

戰而有之誅其君而弔其民龍編鳶壤再覲官儀赫乎漢
武之烈也雖噢咻稍疎約束太驟為夷醜所弗堪而董以
學校風以詩書規模亦宏遠矣迨乎黎利稱逆哀兇鞠頑
士民淪溺者不可勝計章皇帝不忍黔元之塗炭捐其
故宇以安反側百年以來寒徼寒謐無斥堠之警不可謂



無大造于南土也惜乎當其時無有倡棄絕之義以少示
貶謫而仍以王爵受其貢獻為稍靡耳

壬寅浙江温州大風雨壞城舍傷人畜

甲辰温州商稅收鈔從知府何文淵之請

山東濟寧滋陽蝗遣督捕之

乙巳賑江南豐縣饑民

丙午夜月犯南斗

丁未築順天固安縣治河隄

上作憫農詩示吏部尚書郭璉農者國所重八政之本源辛

苦事耕作憂勞且晨昏豐年僅能給歉歲安可論既無糠覈

肥安得棉絮溫恭惟 祖宗法周悉今具存遐邇同一視覆

育如乾坤嘗聞古循吏卓有父母恩惟當慎所擇庶用安黎

元


己酉順天霸州山水溢傷稼

庚戌 慶都縣旱

辛亥蜀王友焞辭三獲衛之二許之

癸丑江西建昌知府陳鼎以廣西縣丞徐政攝南城令民供

億日鈔五十貫械政送京師下臺獄



都督郭志祁英楊澤俱年老致仕

甲寅昏刻惑熒犯氏

乙卯平江伯陳瑄上言運軍十二萬宜僉民倍增分班以宥
死充軍者沿河立衛編伍屯種江南民運對撥近衛給路費
長運至京河導壅塞濟寧設都水司沿郡縣各銓官專職仍
大臣二負督之下庭議其因徒立衛置都水司沿河設官寢
之餘命侍郎王佐往淮安與瑄及尚書黃福酌之不果行
廣東宜倫縣大風雨山水溢溺人畜
昏刻熒惑犯氏

丙辰行在大理寺右少卿傅啟讓致仕

丁巳後軍都督譚青致仕

蘄州判官蕭亮古藤縣任敬安寧知縣熊翰留守中衛經敏

歷顧理任邱教諭劉淳進士鄭夏監生許敏廖文昌唐慎王


震何廣為行在監察御史

復嚴翥景東府同知李茂奇太湖縣丞俱任滿當遷其民

乞留任各加品俸

夜大星青赤光出羽林軍行至濁

戊午虞城知縣竇和南宮知縣隆英為監察御史和南京



江南金壇縣主簿郝端因怒捶死四人論磔流妻子二千里
昏刻大星赤光出勾陳行至閣道

己未山西曲沃鄉寧芮城等縣旱災

辛酉免順天開州逃民五年田租共八百九十五戶

壬戌 上作招隱歌賜少師蹇義等

夜大星赤光出婁東行至濁

是月徐沛東安新樂清苑安肅滿城博野蠡縣豐潤鉅鹿慶
都新安南陽河間大雨水傷稼


七月乙丑昏刻大星赤光出右攝提行入雲中

丙寅廣東布政司布右叅政楊勉卒勉 人永樂甲申進
士以翰林院庶吉士改刑部主事歷郎中至右侍郎出使山
東坐罪明年復巡撫福建復坐罪起山東叅政改廣東有才
幹而懷市心父事姚孝廣至服喪士論鄙之

夜大星赤光燭地起天倉行至濁

丁卯行在刑部獄及停侍郎施禮等俸

己巳監察御史周安採木浙直金華府同知吳洙誣其科斂
受白金六鎰安下臺獄而安未嘗至金華訊實釋之
上聞獄狀遣放輕罪者八百餘人



庚午山東魚臺縣蝗命捕之

癸酉賜武臣草場于三河等縣侯四百畝伯三百畝都督二百五十畝都指揮二百畝指揮一百五十畝千戶衛鎮撫一百二十畝百戶所鎮撫一百畝

甲戌昏刺熒惑犯房星
辛巳都指揮施聚操備遼東

壬午許三衛互市

江南常州知府莫愚上言宜興縣歲貢芽茶一百斤後增至五百斤近至二十九萬餘斤之多今貢九萬七千斤乞辦之

州縣免遣官督責從之已而上悉蠲之

癸未夜大星赤光出天困行至游氣中

甲申申刻大星青白流至游氣昏刻大星赤光自箕入雲中

丁亥置龍門衛龍門守禦千戶所于李家庄


己亥除國子學錄一員教習新駙馬都尉李銘焦敬王誼

涿州良鄉永清大城文安保定靜海獻定曲陽定興新城薊

州長垣等處俱大雨水溺稼傷人畜

賑江南碭山興化捷捷為饑民

是月祥符中牟陽武通許滎澤尉氏原武陳留河決傷稼



八月乙未命給事中儲懋車遜掌吏科年富賈銓掌刑科李倜
龔全安掌工科 上自擇掌科各二人

益都縣丞何恭祁陽教諭馮履清平教諭胡清清江教諭朱
良武寧訓導徐觀為行在給事中

和寧王阿魯台方敗于瓦剌又懼官兵來襲 上勅慰之
戊戌大星赤光出左旂行至濁

己亥江南常州府莫愚奏公差官之橫得 旨許指名叅劾

壬寅浚漳沱河

甲辰天津倉火燬糧七萬一千餘石

四川成都雜穀安撫司土官曩申據魯思麻寨命先招諭之

乙巳發卒數萬人開江南泰州之白塔河

丁未湖廣五開黎平衛古州長官司羅里諸寨苗作亂

戊申夜大星赤光起天津行至天棊


庚戌夜月掩昴宿

辛亥琉球中山王入貢

癸丑行在翰林院編修朱孔暘為左春坊左中允

復彥徐麟平南知縣以秩滿耆民乞留任加從六百品俸

丁巳雲南騰衝守禦千戶所隸貴州都司



戊午趙王高燧薨王母 仁孝皇后初封彰德寡學好武事
留守北京多進邪說永樂七年訪長史顧晟選國子司業趙
李通董子莊為長史講經論史改節易行 仁宗初力辭二
護衛奉藩甚恭 上即位漢庶人反詞連及于王 上不聽
王盡納護衛賜賚稠疊在位二十有八年謚曰簡
已未浚白塔河

辛酉太保忠勇王金忠卒忠元太保不花六世孫初名也先
土干永樂末來降賜姓名 先帝進太子太師宣德三年從
巡會州賈勇陷堅明年進太保驍悍善戰明道理予祭葬

山東布政司右叅政陳士啟卒啟江西泰和人

九月壬戌朔夜大星青白光起五諸侯行至文昌


癸亥昏刻熒惑犯南斗

丙寅工部右侍郎羅汝敬還自陝西言搜寧夏甘肅宿豪占
田一萬四百餘頃依屯田起科增子粒一十九萬五千五百
七十餘石

庚午增造山東臨清廣積倉度可貯三百萬石

壬申浙江寧波知府鄭珞請弛海上漁禁不許

昏刻大星青白光出婁行至濁



乙亥浙江温州知府何文淵以樂清知縣徐文朴貪虐械入京命治如律

丙子蜀王友燁薨獻王之孫年二十六謚曰靖妃李氏侍姬黃氏皆自經賜祭贈黃氏夫人

丁巳賑新河縣飢民

戊寅勅太常寺卿孫時致仕

貸湖廣孝感縣民粟

辛巳勅行在吏部右侍郎王讓致仕

甲申曉刻月犯軒轅御女

乙酉前右副都御史胡廣降福建布政司右叅議

丙戌河南人言嵩縣銀礦命戶部主事郭誠開採月餘止黑鉛五十斤銀二金不足抵費遂罷之

昏刻太白犯南斗


戊子置寧夏甘州二河渠提舉司

庚寅夜大星赤光出闕邱行至濁

十月甲午行在鴻臚寺卿楊善被劾下獄尋復之免冠帶治事

乙未賑安徽桐城縣飢

丙申昏刻月掩太白星



戊戌昏刻大星赤光燭地出奎行至游氣

巳亥行在戶部尚書李昶卒昶字文暉安徽涇陽人洪武中
監生擢左府都事進戶部郎中永樂初拜北京行部右侍郎
悉心經畫十八年轉戶部從北征宣德五年長戶部以廉勤
稱予祭葬

辛丑昏刻大星赤光出畢入雲中

壬寅豐城侯李賢往大同探

癸卯通政使司左通政朱侃卒侃浙江海鹽人監生擢御史
歷廣東按察僉事通政司左右叅議嘗巡撫廣西察舉失當

昏刻大星赤光出參入雲中


甲辰總兵官都督陳懷討松潘叛番平之懷遣都指揮邢安
以兵二百略寇境都指揮趙得_以千人援之寇合勢追躡指揮
安寧等死之懷身攻草鬼骨寨克之自是連戰皆捷

前禮部尚書蔚綬卒綬字文壘安徽合肥人洪武中監生授
戶部主事歷今官謹畏避事漫無可否又瑣細取厭予祭葬
夜大星青白光起危至天桴

乙巳未刻太白星見

丙午 上巡近郊發京師

國權 宣德六年



庚戌還京夜月掩積尸氣

壬子夜月掩軒轅

甲寅昏刻大星青白光出勾陳行入文昌

丁巳免順天固安縣水災田租

庚申行在翰林院脩撰苗衷為侍讀編修劉矩為脩撰興化

訓導朱應昌昌化訓導康振等為行在禮吏二科給事中

福建布政司布叅政張璘為應天府尹

江西建昌府檢校周肅新建教諭王來常寧教諭賈進南昌

訓導黃潤玉浙江麗水訓導陳濟國子監生張謙史鑑朱純

鄭昱為監察御史謙鑑純昱皆南京

復石鼎裕州知州王瑀通州知州焦昉長垣知縣馬良合肥

主簿以耆民乞留俱各加品俸

夜大星光青白燭地起九游行至天困炸散

辛酉召豐城侯李賢還京

十一月癸亥 上作祖德詩九章示楊士奇楊榮楊溥

甲子罷各處閑津把截軍巡按廣東御史陳搏以其邀阻索


詐也

丙寅復楊善鴻臚寺卿

國權

宣德六年

主



丙子行在戶部定官軍兌運民糧加耗之例每石湖廣八斗
浙江江西七斗南直六斗北直五斗民運兌淮安四斗
內官袁琦有罪下獄琦使廣東擅遣內官各處凌虐侵盜論
死并逮其黨十一人 是月趣工部頒邊軍裘帽
內官裴可烈在江南蘇松貪暴尤甚械至京下獄死
河南知府李驥奏冬日至謁伊王方四更嫌到遲械下儀衛
司一日 上書戒伊王其承奉長吏典儀悉械送京師治之
已丑勅曰上帝之德好生而已嚴寒囹圄中有可閔者三法
司錦衣衛速從輕斷若當體勘待對出之毋淹

庚寅太監馬俊還京至良鄉聞袁琦事自經 上以同惡命
梟于市

辛卯免河南夏縣災租


太監唐受虐斂于南京捕至具伏赴南京磔于市仍梟之
昏刺大星赤光起婁至羽林軍

十二月壬辰朔夜大星赤光自庚子行至北斗魁

乙未磔袁琦斬巨隊等十人

丙申榜戒內官內使毋怙寵作威

庚子夜大星青白光自翼行至庫樓



壬寅南京太僕寺卿趙次進卒進浙江臨海人監生

乙巳夜月食

丁未太子少保禮部尚書兼武英殿大學士金幼孜卒幼孜
江西新淦人集春秋建文庚辰進士授戶科給事中
以文學宗太改翰林院檢討亡何直內閣數月進侍講五年進右諭
德從北巡京征積勞陞文淵閣大學士兼翰林學士仁
宗進戶部右侍郎踰月以太子少保兼武英殿大學士專典
內制簡易沈默樂善愛文章豐暢求請躡至臨終有請為
求恩澤者幼孜曰此君子所耻言年六十有四贈榮祿大夫


少保謚文靖賜祭葬

戊申免魏縣內黃廣平成安曲周新河隆平獻縣徐州碭山
豐縣沛縣等去年水災田租

已酉行在兵部武選司郎中呂爰正秩滿以詳練進四品俸
復任


國子監生倪宗瑾徐傑高瑤王驥陶鏞姜豫劉智鄭禧為行
行在監察御史黨恭李秉李昇為行在給事中

復劉釗鳳陽府通判竇文莊長安知縣安珣武鄉主簿王彥
璋應天府上興阜巡檢皆九年滿考最者民詣京乞留
加品俸



中都留守司都督陳恭坐盜官物強納部民女私役軍匠等
罪當死宥之戍遼東籍其家 庚戌增置北京通州糧倉
遣監察御史往寧夏甘州巡視屯田水利
工部右侍郎巡撫江南周忱喪父命乘傳歸葬起復視事
癸丑夜大星光青白起天鈎行至濁
乙卯都督困即來告饑且懼罕東西番之侵求築城命俟之
庚申賑山西平遙旱災

國家圖書館, NATIONAL CENTRAL LIBRARY, TAIWAN



國權

宣德七年壬子

正月辛酉朔日食免賀

壬戌和寧王阿魯台貢馬

夜彗長丈餘掃天津漸東南行十日滅

丙寅夜大星赤光燭地起梗河行至角

丁卯中官李貴等使西域勅諭哈烈沙哈盧鎖魯檀等又勅


撒馬兒罕頭目兀魯伯曲列干及卜霞兒城達失干城沙魯

國權

宣德七年

監官談遷孺木著

國家圖書館, NATIONAL CENTRAL LIBRARY, TAIWAN, R.O.C.



海牙城賽藍城亦力把里封來思等處頭目亦如之

癸酉 上南郊

甲戌夜月掩軒轅

丁丑遂安伯陳英卒賜祭葬英爽閩永樂時鎮永安山海人怨其貪酷

戊寅夜大星青白光燭地起中天北行聲如雷

庚辰命刑部都察院觀政進士分鞠獄囚

辛巳少詹事兼翰林院侍讀學士曾榮卒榮字子啟江西永豐人永樂甲申進士第一授翰林院脩撰預脩大典進侍講


脩洪武實錄進侍讀學士洪熙初左春坊大學士兼前官

兩朝實錄成進少詹事天下英邁喜薦士文章沛然莫禦善行草書年六十一贈禮部左侍郎賜祭葬給舟歸其喪

袁袞曰明興劉宋以宗工司制代言文體渾厚繼以東里溫醇雅則有歐陽少師之風子啟天才雄麗倚馬萬言具文如蘇長公浩如懸河注之不竭詩古體有魏晉風律宗初盛唐亦一代之鴻臣也

免山西徐溝縣去年災租

右軍都督同知楊澤卒澤定興人從靖難陞予祭葬



甲甲安定衛指揮同知果脫卜花數陳征曲時鄉導功特進
指揮使

設開城廣寧苑牧馬四千三百七十匹百戶何通提督

乙酉留監御史鄧榮再巡按南畿蘇州松江常州鎮江一年
以從民望也

陝西按察僉事林時上言二事曰申明善惡曰文武並用許
衛所子弟入學出身 上是之

丙戌遣內官柴山諭琉球遣人賫勅往日本令朝貢時日本久不至

戶部請停趙府歲祿三萬石不許

丁亥福建布政司右叅政彭春清軍汀州受賄謫為駟卒

戊子夜大星青白光起勾陳至華蓋又彗見西方十七日滅

己丑磔濟陽衛指揮僉事王斌等以糾黨夜劫都督譚廣家

二月壬辰免山西長子縣逃民一千五百三十三戶逋租

甲午 上親閱法司所上各獄案遣輕繫者一千餘人

丙申行在禮部章敞還自安南權國事黎利遣番列院副使

阮中絢中丞阮宗贄隨表謝貢方物并云歲輸五萬金如洪


武例

戊戌祭太社太稷享先農又萬壽節時雨 上作甘雨歌

國權

宣德七年

三



已亥增順天解額九八十人

監察御史王寶監督福監銀冶苛役發民人塚成遼東

辛丑昏刺月犯軒轅御女

癸卯給行聖公孔彥縉乘駟回曲阜

免徵江陵醫士張文玉時年九十子純南京監察御史貽封

仍加存問

昏刺大星青白光出游氣行至濁

甲辰給沙州衛都督因即來米五百石

山西按察使司張政卒政安徽廣德人賜進士出身初授御

史巡按山西有聲遷按察使風紀益振吏民愛戴之

丙午脩南京太廟 是月作山西大同邊堡軍士住舍

戊申復監察御史金濂官

令甘肅降下悉處涼州便地


庚戌工部右侍郎羅汝敬復往陝西總督屯稅河渠

雲南總兵官太傅黔國公沐晟乞奔母喪諭止之

夜有大星如碗青白光燭地出自天關旁西逝至近濁

辛亥行在刑部右侍郎樊敬平江伯陳瑄工部尚書李友直

覈沿河漂失竹木



夜大星赤光起參宿南行至游氣

癸丑行在兵部右侍郎柴車右僉都御史凌宴如通政使司右通政徐琦翰林院侍講苗衷等清理軍職事務貼黃始令靖難武臣如亡子者或其婿或其義子繼之時謂崇德報功固為勝事而獨薄于開國者有司未必無過也

甲寅設保德州守禦千戶所

曉刺月犯填星

乙卯復趙濬吳縣丞初知府况鍾言濬闖兄送京師吳民爭訴巡撫侍郎成均周忱所言其治劇愛民經歷傅得嘗干

濬又止糧長之賄故潛于鍾事聞覈實故復濬官坐得罪

設邊曰况鍾能吏宜待濬有加禮惑于偏聽亦素不判盖讒說之易中如此矧不為鍾者乎先朝清問下民允聞闕有所陳請輒蒙聖鑒復官趙濬真鍾不問以舒能吏之用尤盛事也


戊午賑寧鄉臨祁清源大寧河津永和介休等縣飢

山西

己未命貴州三司撫諭算子坪叛苗

三月庚申朔勅行在府部院等官卹民求才振舉庶政列目凡

二十有二



南京戶部左侍郎郝鵬致仕

辛酉市朝鮮牛一萬頭給遼東軍令貢外郎李顯運絹布五萬疋售之

上退朝御左順門諭署戶部事禮部尚書胡濙曰朕間者以官田賦重百姓苦之詔減為十分之三而戶部多不遵守甚者與有司期陰為慢格令闕息何等也咎因作減租詩

壬戌申洪武中化緣之禁


建州左衛指揮僉事九察招撫遠夷勅進都指揮僉事是月河決順天固安縣

癸亥行在戶部右侍郎王佐督濬通州直沽河道三百六十餘里以河淤多灘淺滯舟

丙寅 灤城縣積旱田租折徵鈔布從老人駱得疏

丁卯南京刑部右侍郎成均調南京戶部行在翰林院編修裴綸為脩撰中書舍人朱祚為尚寶司丞進士王學敏國子監生胡正顏繼莫敏吳瑜宸昭李果為行在監察御史復姜弘山西洪洞縣丞加祿正七品以秩滿民乞留任已巳免山西太原平陽二府去年旱災田租

庚子鎮守西寧都督僉事史昭為征西將軍總兵官鎮守寧



夏守河州都督同知劉昭兼治西寧

壬申命行在部院選五城兵馬司指揮

勦貴州治古峇意等長官司新郎等寨叛苗

癸酉大通關提舉司吏昌化文中奏臣永樂未廣東鄉舉目

疾阻試又母喪宣德六年八月至部謂違限謫吏乞下科會

試許之

乙卯設各衛所儒學赴本處鄉試

昏刻大星青白光出昂入雲中

壬申始以兩京贖罰庫所積之衣服布絹等驗直抵文武官

月俸

甲申減南京光祿寺正官止寺丞二典籍簿錄事官各一每

署留三員

夜大星青白光自危行至濁有一小星隨之

乙酉廣西總兵官都督山雲平桂平等縣蠻寇

四月庚寅勅諭山東逃軍逃民嘯聚宜山縣等處復業滌罪

辛卯白塔河城設江口巡檢司


賑南陽完縣定興縣飢命民乏食當先發預備倉後聞

巳亥永安王孟炯薨年五十一謚懿簡

國權

宣德七年

七



庚子命侍郎周忱清軍江南常州初御史李立好株引常人
訴于朝故委忱

辛丑以山西旱免其逋欠二百四十五萬四千八百石芻五
百十五萬束

甃獨石雲州赤城鷓鴣龍門等城

壬寅定各邊中鹽例寧遠獨石肅州中淮浙鹽引米二斗五
升河間長蘆三斗山東河東福建四川廣東等鹽俱一斗五
升宣府大同山海龍門甘州寧夏中淮浙鹽引米三斗河間
長蘆鹽三斗五升山東河東福建四川廣東鹽俱二斗

昏刻大星赤光自翼至游氣


賑山西汝州魯山曲周永年等災民

哈烈入貢

丙午日入後大星如碗青白中出雲中

己酉拓北京國子監學舍益以草場地會饌月糧具如南雍
辛亥屯留縣大風雨雹殺麥

壬子定巡撫與巡按按察司文移事例下布政郡縣轉行巡
按非切巨者不得經行時吏部右侍郎趙新撫江西按察司
非以部屬所委多不報新請定其規焉



賑順天安肅縣去年田水災

乙卯昏刻大星青白光出內屏西行至濁

丙辰進士徐政為中書舍人王裕韋廣江玉林劉準為監察御史

直隸河間府同知姜濤秩滿者民入京乞留任進知府

五月戊午朔止慶王櫛入朝

中軍都督同知任禮署行在右府

甲子夜大星青白光起西南行至雲中

辛未占城入貢

復平涼達開城縣迭烈孫運道陝西歲餉甘州經平涼六盤

等山險艱開城縣迭烈孫地平行遇河即甘涼近五百里國

初開行

上聞少詹事兼侍講學士王英母卒問尚書胡濙可得賜祭

葬乎曰制三品四品親喪曾封贈始賜葬今英官四品其母

受五品封 上命予祭葬不為例

壬申山西忻州食益米貨折鈔時旱飢


甲戌山西進龍馬駒群臣請賀 上曰西之不歲繼踵告災


一獸之異足活民耶其止之

國權

宣德七年

九





丙子交趾土官百戶陳復宗等以吏部緊送河南山東就閑
非內附初心乞留京勸天下臣子之忠義從之凡內附同
丁丑諭兵部左侍郎王驥措置邊防
復工匠月糧一石時工部減五斗多不贍

庚辰南京通政司左叅議襄陽李文郁致仕

辛巳昏刺星犯積屍氣

壬子會寧伯李英甥祁監藏西寧衛指揮同知祁震庶子也
與嫡子成爭襲英助之下英詔獄

癸未遼東定遠左衛遊軍馬義誣告周王有燬交通廢人有

熹罪棄市

脩四川新津縣通濟堰

甲申廬山僧智順乞脩高皇帝周顛仙碑亭及天池

御製

寺從之

丙戌成國公朱勇上邊運八事上從之令郎中王良都督

毛祥專理屯務

是月浙江烏程歸安德清長清武康嘉善久雨腐禾免田租

六月戊子朔蘇州知府况鍾上言近奉詔召民開荒官田起科

視民田無種者勘免其租額今所屬崑山諸縣民死徙從軍

國權

宣德七年

十

籍者三萬三千四百餘戶召種官田可起科者二千九百餘
頃互相補截其秋間糧可除免者十四萬九千五百石有奇
所屬長洲諸縣舊三十六萬餘戶官民秋糧二百七十七萬
九十萬有奇民糧不能當官十之一國初令有民糧者出馬
四百餘匹役遞濠梁桐城諸駟約三歲一更今三十餘年矣
出馬家如故尚莫更者工部徵蘇浙三梭布八百足浙江一
大省止百布耳蘇州十君七徵斂不均比而然詔書所云
民多愁歎乞除豁醒刷以彰陛下鴻鳩之治上皆從之
易州官羊五千二百餘隻歲賦毛如數今年羊止二百毛額

不減 上傳其徵

己丑賑直隸吳橋縣饑

庚寅昏刻大星赤光出羽林軍行至濁

辛卯南京工部尚書甄庸致仕

壬辰夜大星赤光出河鼓行八須女

甲午琉球中山王貢馬

上閱各獄狀遣輕罪強盜獄死勿斬


乙未夜大星赤光出天市西垣行至濁

丙申行在右通政徐琦為南京兵部右侍郎

國權

宣德七年

十一



丁酉益洗馬嶺先備兵

始遣御史巡閱居庸關外長安嶺獨石龍門天城諸關隘
僧錄司右覺義大旺等違禁募役罪宜抵死命錮之

行在兵部尚書許廓卒廓字文超湖廣襄城人國子監生授
錦衣衛經歷擢工科歲餘進鴻臚寺左寺丞一年歷工部左
右侍郎通敏厯事在工部從北征足運招河南流民數萬戶
日本兵承張本之後濟以寬年五十六賜祭葬

癸卯 上閱重囚罪狀宥雜犯皆戍邊一百七十餘人

甲辰拓皇城東安門外徙民居于西隙地


乙巳勅部院曰朕選能任賢命以恤綏頒蠲書數矣曩為所
任匪人使百姓栖、棄鄉離土朕甚憫焉已遣人招諭復業
免徭役一年今聞有司不體朕心如故流民歸者居無廬舍
耕無穀種逼償故所逋稅柰何不死且復亡也其速加厚恤
諸雜賦蠲除之有虐害者無官民悉治罪

湖廣江華縣盜廖馬孫等伏誅

丙子作朝天宮于西直門內

丁未山西太原大雨汾河溢傷稼

戊申免 寧遠縣逋租



賜少師蹇義第于大明門

巳酉曉刻太白犯歲星

壬子夜大星赤光出天棓行至雲中

癸丑罷內官入番買馬初內官李信李貴言西番多良馬市
之次陝西治裝以遠勞止

乙卯豁祥符中年尉氏扶溝太康通邑許州陽武夏邑秋糧
五萬八千餘石

夜大星青白光出天倉行至天廩

甲辰昏刻大星青白光出雲中又大星出造父南行入鬻星

又大星赤光白心南行至濁夜大星赤光出文昌行又濁又
大星赤光出勾陳行至北斗杓昧爽大星青白光出胃行入
天囷

是月上作官箴三十五篇頒示群臣

是夏河南開封大旱停徵

江南吳江崑山常熟華亭上海宜興大雨潮溢傷稼其

長洲

山東濟南泰安州亦如之


七月丁巳朔直隸滄州民馬產二駒獻之下御馬監

戊午停武陵王季琨妃魯氏冊禮以先受穆肅子聘也令季

國權

宣德七年

十三



現別娶

勅賞三衛謂能綏衆效職也

己未改交趾歸順土官知州知縣阮遷等四十五人于山東

山西各州判官照磨駟丞

各省徵糧以按察司一人協助巡撫

夜大青星白光起外屏南行羽林軍

辛酉戶部左侍郎成均巡撫浙江以侍郎趙倫法峻召還

夜大星青白光出華蓋行至濁

壬戌行在翰林院編修尹鳳岐檢討黃裳劉麟應俱為脩撰


建寧府照磨謝良翰進士楊春為行在監察御史松江府同知陳智為順天府丞

復劉觀河間長蘆鹽運司同知秦銘新化府推官徐岳河間知縣朱輔蓬萊知縣鄭福長沙縣丞良能安慶白沙司巡檢各加品俸以當陞為士民乞留

乙丑行在戶部員外郎羅通理宣府軍儲

丙寅大星青白光出營室行至雲中曉刻歲星犯天尊

戊辰安陽王瞻塙進封趙王武鄉王佶焯進封藩王羅江王友壘進封蜀王美靖慶成王美堅廣昌王



辛未行在翰林院侍讀學士李時勉侍讀苗衷主試應天
霸州灤州三河香河豐潤灤縣東安永清俱大雨河溢傷稼
壬申封周王有燉侍姬施氏陳氏韓氏歐氏李氏張氏皆王
夫人賜王為開封府稅課給民丁三百人免校尉
肅王瞻熒上還兩護衛之一
置呂梁漕渠石閘
庚辰免江南泰州去年水災田租二萬二千九百三十餘石
上閱元趙孟頫幽風圖賦長詩一章示詞臣揭便殿
夜大星赤光起女牀行至濁

辛巳申明御史與外官相見之禮蘇州知府况鍾言知府畏
御史糾劾謫諛拜跪甘受辱詈間有奉法不屈輒求其小過
也

曉刻太白犯熒惑


癸未 上登萬歲山之廣寒殿召儒臣周覽都城山川形勢
諭曰此元之故都也世祖知人善任愛養民力故混一區宇
至順帝荒淫紀綱蕩然遂致失國朕使長守世祖之法天下
豈為我明所有儒臣曰紂之跡周之監也

甲申夜大星赤光燭地自天津行至匏瓜

國權

宣德七年

五



乙酉令有司歲祭高郵康澤廟平江伯陳瑄言宋哲宗時郡人耿遇死為神甚靈累封靈應侯禱之立應

夜大星青白光出天廩行至閣道曉刺太白犯軒轅

是月直隸開州長垣南樂內黃清豐河南滑濬等縣俱旱

八月辛卯夜大星青白光起大陵行至濁

壬辰妄男子大呼西華門謗訛粹至上前如故上曰古

設誹謗之木以來諫釋之


左春坊左庶子兼翰林侍讀周述翰林院侍讀學士錢習禮

主試順天

夜大星青白光燭地起天倉行至濁

甲午後馮好學恩縣丞好學坐累當調邑人詣闕言其廉公復之

乙未勅行在吏部曰朕思得賢才共圖治理寢食忘之令朝臣三品以上舉爾所知復賦招隱倚蘭告之朕意近惟少傅楊士奇薦舉交趾南靈州知州黎恬吏部員外郎魏驥等諸臣曠旬積月無一人焉巖藪窟穴豈皆虛哉吏部其會三品以上官推擇才行文學之士方面有司昏懦貪暴者與都察院奏黜之




戊戌甯浙江左右布政使黃澤艾瑛等左右叅政熊本誠張子真左右叅議以張澄戴同吉魏脩以公解治蚕採桑役人屬縣歸安知縣華嵩許之

已亥行在戶部尚書黃福署南京戶部

行在吏部考功員外郎魏驥為南京太常寺卿少南靈知州黎恬為右春坊右諭德建安教諭楊壽天臨清教諭彭疏為所行在翰林院編修行在鴻臚寺丞周銓行在吏部中郎楊應春行在工部郎中王佐嘉李新方正為布政右叅政銓河司南應春雲南佐嘉新陝西江西吏科給事中張居傑為行在

禮科給事中武達行在光祿寺珍羞署丞李睿為布政司右叅議居傑雲南達浙江睿貴州行在刑部員外郎王暹行在監察御史焦宏杜時金濂胡智賀敬王豫為按察副使暹河南宏江西時山東濂陝西智福建敬廣東豫浙江皆京薦也庚子各省撫按考察方面官仍同布按官考察郡縣召鎮守密雲都指揮同知蔣貴還京為叅將佐守松潘

辛丑陝西永壽等縣獻禾或同本二十莖至數十穗至長尺餘或一莖五六岐或一節一岐是日又獻嘉瓜皆止賀戊申蠲順天真定順德廣平永平保定大名河間徐州水旱



田租

夜月掩東井

巳酉夜大星赤光出紫微東蕃行至濁

庚戌夜月掩輿鬼

辛亥置蘇州濟農倉初貧民歲輸糧長多厚費巡撫周忱出鈔平糴米二十九萬石分貯屬縣令民自輸官糧長不得預減費得四十萬石儲官通前所糴書諸籍農人缺食及運夫遭風被盜者出賑貸之春時驗田種多寡為貸限秋成償官凶則復之

壬子薛誥嗣楊武侯

薛祿孫

上書戒遼王王取總旗薛冬保長女又求次女不從誣送刑部贖罪王怒并許刑部官黃昱受賄而部官無黃昱議罪其官屬造誣之罪上恐傷王意置不問賜璽書焉


復陳銘故城縣丞初太監劉寧奉命同御史往各路收內官內使外索并其人械入京寧還故城銘健吏醉聞內官至不復辨直梓寧搏之寧以聞逮至上曰銘一時誤聞釋之或曰雖釋不再任上曰彼當因此改過也


行在都察院右都御史顧佐上言布按二司暨巡按御史考

國權

宣德七年

六





課多偏信里老生負之言為去留不知其假公濟私是非顛
倒乞勅撫綏按毋徇其私從之

甲寅止鄭王瞻垓來朝

寧夏總兵官都督僉事史昭進嘉禾

是月平鄉廣宗積雨傷稼

九月丙辰朔昧爽大星青白光出自軒轅行入太微垣

丁巳令山西偏頭關外燒荒如宣大例

命廣西泗城州以千人戍貴州陳蒙爛土長官司防苗獠侵

掠

夜大星赤光自天軀行入紫微垣

己未監察御史包德懷給事中虞祥等劾順天府尹李庸科

場詐冒者宥之

夜大星赤光起參行至濁

辛酉夜大星青白光出天津行入河鼓曉刻熒惑犯上將

壬戌山西大同叅將沈固上四事曰先降神銃三千分撥邊

堡堠爛柴溝等十八處乞取回各城養銳其力不分曰臨邊

十二衛軍官多老弱宜調內地選內地精健者補之曰大同

屯田畝一斗為重曰衛所仍設養濟院上從之

癸亥諭各郡縣督民栽桑棗樹從順天府尹李庸之言

夜大星赤光自畢至雲中

丙寅夜大星赤光燭地自五諸侯行至軒轅又大星出南河

行至濁昧彗大星青白光出孫星行至濁

丁卯復王佐徽州府同知陳希恭盱眙縣丞各加品俸以民

乞留之

蘇州知府况鍾請修江南水利從之下巡撫侍郎周忱議

夜大星赤光燭地自羽林軍行至雲中昧彗大星青白光自

婁流至外屏

戊辰應天府尹張璘卒璘湖廣黃岡人永樂中進士擢山東

右叅政改山西福建考最進京尹聰敏廉潔大能恤民雖忤

中官被讒不顧也

己巳增北京倉廩


隆慶衛指揮同知袁泰等言同官李景守居庸關善調度請

補指揮使 上不聽曰爵賞出自朝廷唐中世河北將帥由

軍中廢立此猶欲效之耶

夜大星如碗青白光燭地自側星至弧矢炸散

庚午命諸將巡邊



辛未寬馬課于明年償官

壬申夜大星赤光出營室行至河鼓

癸酉昏刻大星青白光出營室行至濁有一小星隨之

丁丑南京兵部右侍郎麟游甄儀致仕

夜大星如碗赤光燭地自五車行至騰蛇

己卯夜大星青白光自羽林軍行至濁

庚戌 上朝退御便殿論農事出織婦詞一章示諸臣

辛巳誅長陵衛指揮僉事秦英等以受人匹布聽伐山樹也

壬午天下庫貯金銀珠玉翠紵絲綾羅布帛銅鉄顏料等及

違禁物皆送京師其衣服等折充文武官俸軍器給近衛

癸亥夜大星赤光燭地自婁行至營室

甲申增運軍共十六萬人

十一月戊子夜大星青白光燭地自天庫行至天囷炸散


庚寅行在大理寺卿徐初寺丞楊復言于午門下復錦衣獄

辛卯後府都督僉事張廉卒廉安徽天長人從靖難累有功

直爽不剋迨封榆次伯謚忠敏予祭葬

遣視山東濟南水災免其租

甲午復李湘東平知縣州湘為奸吏所訟耆民詣闕力白之



丙申賑薊州豐潤遵化等飢民

乙亥左副都御史陳勉服滿補任

庚子行在禮部左侍郎致仕李嘉卒嘉宛平人初事燕府從

靖難城守授鴻臚寺序班進通政叅議坐累降鴻臚寺丞

仁宗拜左通政歷通政使北京刑部侍郎端謹克孝第瑣隘

無大臣體

乙巳夜月犯輿鬼

丁未夜大星赤光出天倉行至壁

戊申夜大星赤光自北落師門南行至濁昧彗大星自張矢

南行至雲中

己酉賑遂平縣飢民

曉刻熒惑犯進賢

辛亥八百大甸土官宣慰使召招散入貢以波勒結土酋土

雅殺掠求討之上以荒服第降勅諭

賑懷遠遂安飢民

癸丑前鎮守寧夏寧陽侯陳懋侵倉糧及乾沒贓罰金珠紵


羅畜產皆累萬計私中益六千七百餘引又他罪非一侍郎

羅汝敬發之御史凌璋等報實故召還至是再被劾宥之追

國權

宣德七年

三



入其贓尋免

十一月丙辰朔夜大星赤光起輿鬼流軒轅

戊午韓王冲煬告匱命加給歲二千石

除萬象縣荒租薪炭

庚申夜大星青白光出天苑行至濁又大星起芻藁行至濁

辛酉召平江伯陳瑄各及省催糧侍郎趙新等歲終入京師

計事

乙丑夜大星赤光燭地自天廩行至游氣炸散

丁卯復石珮泗州知州張忠會同知縣潘純陽信知縣張鼎

沅陵知縣李養廉濟主簿各加品俸以秩滿者民乞留之

十西寧衛改軍民指揮使司

戊辰封貴燁應山王貴卿宜城王貴熠板江王貴滴沅陵王

貴燠麻陽王盤煥信豐王

辛未朝鮮國王李禔獻鷹菌諭自今服食器用如鷹犬等更

勿進

夜大星赤火燭地自參流至濁


巳卯夜大星赤光自參流至星宿

辛巳聞阿魯台東行攻兀良哈勅緣邊諸將謹備

國權

宣德七年

二十三



癸未肅王瞻煥奏增歲祿初止五百石 仁宗增為一千石
至是復請不許

甲申周定王第十六子 殤追封固始王

起復魏源 左布政使

增淮揚青兗濟南東昌登萊等府同知通判各一理賦稅

貸浙江臨安瑞昌旣粟

大霜陰霧木冰

十二月丁未夜大星赤光自軫南行至濁

巳丑昏刻月掩赤星

庚寅琉球中山王入貢

乙未曉刻大星如碗青白光燭地自軒轅流雲中聲如雷

丁酉夜大星青白光自角流庫樓

戊戌貴州按察使應履平請都督府遣人必驗勘合又貴州


萬人分成廣西更代逃者二千八百有奇乞成人還衛少息

上俱從之

作懷慶北沁河丹河二橋

改儒學神像左衽

庚子捕廣東會昌縣盜



癸卯致仕少保戶部尚書兼武英殿大學士黃淮父喪謝祭
入朝奏留其子采報効許之

丁未議伐木蔚州以嚴寒止之

是日雷雨暴


己酉夜月犯心宿

庚戌曉刻月犯天江

辛亥平江伯陳瑄上糧運四事從之


是年右叅將吳亮言今江南浙江湖廣各就本地長運
南京江北仍于瓜淮交兌河南彰德等俱小灘鎮山東濟南
等俱德州東平等于安山沂州等于濟寧餘民糧仍送納淮
徐臨德諸倉更運十分之四

邱濬曰前代所運之夫皆民丁今則以兵運前代所運之
粟皆轉運今則長運唐宋之舡江不入汴、不入河、不
入渭今日江河之舡各遠自嶺北湖南直達于京師唐宋
之漕卒猶有番休今則歲、不易矣宋人漕法甚便易也
如此而其回舡又有載鹽之利今之漕卒比之宋人甚勞
百倍一歲之間大半在塗無室家之樂有風波之險洪肆
之停留舡艙之衝激陰雨則慮泥漏淺澁則費推移沿途



國家圖書館, NATIONAL CENTRAL LIBRARY, TAIWAN, R.O.C.

為將領之科率上倉為官攢之阻滯及其回家之日席未
及煖而文移又催以兌糧矣運糧士卒其艱若萬狀有如
此者食此糧者可不知其所自哉



國權

宣德八年癸丑

正月戊午行在光祿寺酒庫火

詔捕江西贛州信豐會昌雩都等縣等

癸亥寶慶大長公主薨公主嫁駙馬都尉趙輝

浙江仁和縣丞王綸奏巡撫侍郎趙倫非法杖斃糧長人不

能堪下巡按御史覈實

丙寅 上詣郊壇故事朝百官後乃行是早即往闈祭物


國權

宣德八年

一

鹽官設遷孺木著

國家圖書館, NATIONAL CENTRAL LIBRARY, TAIWAN, R.O.C.



丁卯 上南郊 勅諭天下朝覲官 是夜熒惑犯房星

庚午禁止出番馬數

癸酉湖廣布政司左叅政使元氏李琦致仕琦以御史陞大理寺副罷仍起御史使安南占城榜葛刺諸國有識量善談論進禮部左侍郎復使安南還布政使政譽靡聞以老去

甲戌勅各巡撫侍郎趙新等以便民事具聞

江南常州知府莫愚入朝有吏訐其私愚以此罪吏方捕之上曰郡守除奸而奸反噬之乎杖吏百成赤城復莫愚任夜大星青白光出天市東垣行至濁

乙亥遣中官范安賜蘇州知府况鍾招隱歌并詩三卷時入覲陞辭賜鈔千貫

丁丑宣府總兵官都督譚廣杖萬杖都司經歷蕭翔死 上


封劾章示之 是月貸山東濟南饑民倉粟

戊寅許甘肅輸粟贖罪

己卯夜大星青白光起輿鬼行至北河

庚辰勅南京守備襄城伯李隆同巡檢周忱總督各衛屯田上聞江西贛州盜皆逃民命左副都御史陳勉賫勅撫諭

夜熒惑犯東咸星



辛巳甘肅總兵官都督僉事劉廣言咎卜等欲犯鎮番涼州
請先勦之 上勅同王安協謀遮出遮守
癸亥禁內豎為僧逃外悉捕之
二月戊子貸順天開州南樂內黃並河南滑縣平鄉任邑衛輝
陽武及山東濱州鉅野等處飢民倉粟
壬辰致仕少傅保兼武英殿大學士黃淮少詹事兼翰林院
侍讀學士王直主禮闈
夜大星青白光燭地起匏瓜有一小星隨之行至濁沒
癸巳夜月掩歲星

戊戌建州左衛土官都督僉事猛哥帖木兒為右都督都指
揮僉事凡察為都指揮使

盜陷江西石城陸川等縣

己亥增長沙武昌黃蘗荆岳等府佐貳官各一專督稅糧

庚子琉球中山王入貢 貸直隸寶坻玉田等縣饑民粟


浙江嚴州知府孔竒卒竒江西豐城人進士授刑部主事歷
嚴州布蔬如徵時興利除弊屢愛民誨導屬官有長者之
風吏民甚感之

壬寅賑山東東昌泰安歷城飢

國權

宣德八年

三



勅禁中外橫稅

乙巳行在戶部右侍郎趙倫降為山西布政使左叅政

賑 盧龍雞澤飢

丙午曉刻月犯南斗

丁未禁京城積貨隱稅能首賞鈔千貫

賑邳徐濟寧臨清武清飢

和寧王阿魯台貢馬

庚戌定稽考勾軍之令

滿城去年旱災免其田租五千八百一十石有奇

辛亥賑鄧州南陽新野鎮平泌陽舞陽魯山唐縣等饑民

壬子 上閱獄狀遣輕繫三千餘人

賑山西蒲州絳縣萬泉稷山等旱饑

三月甲寅朔策貢士劉哲等九十九人于奉天門賜曾鼎趙恢

鍾復等進士及第出身有差

清僧道寄庄田開籍供徭賦從廣東按察僉事曾鼎之言

丁巳故忠義右衛鎮撫李壽卒其妻趙氏自經贈宜人


戊午賑脩平修武磁州涉縣武安魏縣樂清等飢民

己未命楊士奇楊榮吳胡濙選會試乙榜

國榜

宣德八年

四



蠲江南儀真以北至通州沿河民雜徭專力農應役從清河
知縣李信圭之言

壬戌許三司官給駟

癸亥清河公主薨

甲子復置隆慶州守禦官軍

乙丑許梁王瞻垧以祿米市蘇松諸物

夜大星赤光出招搖旁東行至濁

戊辰選進士尹昌黃瓚趙智陳霽傅綱黃回祖為翰林院庶

吉士選一榜貢士龍文章瑤李滄梁葵黃平陳韶田鈞李蒲

王鑑朱奎袁和林同柴同恩張承翰陳康龔理相佐黃輿李

柰王佐鄭觀胡如暘趙象蔣榮祖給冠帶食訓導祿入太學

月課同庶吉士

北京國子監丞侯復為翰林院編脩助教教信為檢討俱仍


監事庶吉士邢恭為行在中書舍人進士李聰為行在工科

給事中丁浚方洙李聰魏清任鳳馬謹孫凱王濬張忠李芳

監生張驥王俊嚴肅陳嘉謨姚善為行在監察御史

賑順天薊涿固安順義等饑

壬申乙榜貢士戴瑞顧仲賢韋觀田盛鄭暹王澍鮑經劉善



慶宋公輔等求入太學許之餘羅蕪善等四百六十四人俱
署學正教諭訓導

命越訴不實者戍邊

癸酉勅招黑水西番及阿容等族地近松潘數盜邊

賑通州景州任邱邢臺唐山沙河內邱廣宗大名元城廣平

永平冀州南宮博野鈞縣中年上蔡湯陰通許密縣等饑

甲戌免山東濟南兗州東昌馬餉及科買顏料雜役以去年

飢且賑之

遣御史巡察京衛倉

乙亥 上作庶吉士自勵詩示輔臣

昏刻大星青白光出東井西行至雲中

丙子脩安徽和州銅城閘

戊寅成國公朱勇掌行在後府事萬全都指揮同知武興毛


翔錦衣衛指揮同知王瑜署行在後軍右軍左軍都督僉事

荆門州判官陳襄請天下關津詰捕游僧歸原籍治罪如律

從之

築直隸完縣南閼舊河及古城北河

曉刻月犯泣星




庚辰詔中外優恤軍士否者繩以法

兼行在戶部事禮部尚書胡濙請官俸折鈔匹絹准四百貫
匹布准二百貫米石准十五貫軍餉同京官米石從之初胡
濙建議養義等曰 先帝監國知折俸之薄故即位以來特
增數倍豈可違之故濙意米石作十貫聞義等言作十五貫
自是下吏為苦

王世貞曰朝祿數視前代差已薄而自宣德以後用糧運
艱窘為調五品以上三分折銀七分析鈔六品以下四分
折銀六分析鈔折銀每石七錢折鈔者又改絹折銀每二

十石不能一兩于是仰事俯育且不足而不能不假借于
皂隸銀矣正統以前每無一官則支一俸固辭者允正統
以後無官雖三四止從高者或以勞績勲猷加支則為特
恩苞苴之風所以日益盛也其便莫若内外文武官四分
本色六分析色每石定價六錢而皂隸銀減十分之四聽
其正身或顧募當役國家不顧費數萬金數萬石米而皂
隸又足當其半抑何正大明白也

壬午成國公朱勇新建伯李玉及兵部選京衛幼軍一萬人
侍東宮



詔軍衛餘丁在營不得過二人餘悉歸有司供賦役

四月丙戌都督同知馮斌鄭銘尚書李友直等脩京通倉

丁亥總兵官都督僉事蕭授勦貴州治古峇意及篁子坪叛苗久無功勅勉之或討或撫朕不中制初鎮篁叛苗蕭授兵往賊匿山中久不出人皆疑怯思南副長官李盤以孤軍深入值賊斬數十餘力竭被執盤素勇敢賊曰尔銅仁李耶思南李耶從卒曰銅仁賊欲釋之盤厲聲曰予思南李何必諱之遂遇害

郭子章曰李長官盤死留坡孫大黎渭為黔名儒貴陽徐


公正死忠節國子中丞遂為黔名臣誰謂天下右忠耶而偷生乞降何為者

上作廣寒殿記示輔臣時廣寒清暑二殿西瓊島各貯書

戊子應城伯孫傑使蜀師治喪行在工部主事改魯使藩邸治喪各受金幣御史王紹等劾其于室宗如此其他更何問上天是之貫其罪追所餽之物入官仍戒各藩毋餽

贈山西大同左衛指揮使范安妾楊氏恭人氏自經殉安

昏刻月犯歲星夜大星青白光出天門南行至濁又大星赤光起天津流閣道



己丑許廣東囚納米贖罪

夜大星青白光出文昌流至濁

壬辰賑河南汝州裕州旱飢

乙未增行在後府經歷司都事

丙申勅鎮遠侯顧興祖監督牧馬

初四川都司以總兵官都督陳懷兵如寧夏例分兩番遞戍

松潘至是懷飾奏番蠻為患仍乞三番調兵 上不許

賑直隸河間南和灤州飢

戊戌詔免南畿河南山東山西旱災田租及各採買課程顏

色藥味香料金銀箔油漆蠟茶桑穰糖蜜牲口柴炭蘆葦秋

草木植罪罰

辛丑浙江金華處州多盜殺永康縣丞朱俊命捕之

壬寅山西定州知州林衡言行在禮部徵藥材非其產停之

賑 青金州洵陽饑


丙午行在右副都御史賈諒錦衣衛指揮僉事王裕同內官

興安往四川調兵討邛彭諸縣盜 平即巡視軍民

賑安雄東光尉氏等飢 直隸

丁未太僕寺少卿 謙致仕

國權 宣德八年



庚戌夜大星如碗赤光燭地自八穀流至濁

五月甲寅日本國王源義教入貢

乙卯琉球中山王入貢

丙辰夜大星赤光自亢流庫樓

丁巳貴州治古等長官司叛苗平

辛酉賑安徽全椒肥鄉及直隸吳橋安邑飢

癸亥新寧伯譚忠卒忠安徽滁州清流人事母孝夙志功名

年四十二予祭葬

乙丑賑順義清河宿州沛縣確山等旱飢

丁卯廣西總兵官都督僉事山雲討宜山等縣蠻平之

戊辰賑直隸梁城千守禦千戶所飢

己巳貸青興濟廣宗濬縣粟

庚午賑江南淮安鳳陽徐州饑

占城入貢

命慎選都司衛所掌印官


壬申召開平副總兵都督僉事方政還京

四川總兵官都督陳懷請陝西兵征番蠻四川轉餉 上召

懷還京勅叅將都指揮蔣貴往勦

國權 宣德八年

十



癸酉陳濬為後軍都督僉事充叅將提督開平獨石長安嶺

永寧等巡備

乙亥文安昌平良鄉密雲冀州隆平贊皇安州易州慶都博

野定興清范蠡縣完縣滿城高陽靜海興濟邢臺沙河任邱

內邱成安西平安邑萬泉稷山大無麥禾命加意寬恤

丙子江南宜興武興進水災折收棉布

丁丑豐城侯李賢掌行在前府事

賑山西蒙城深澤樂亭曲周絳縣等飢民

己卯夜月犯昴

六月壬午朔開平千戶楊洪巡紅山值下引卻誘至禮拜寺擊
敗之遂飭邊將嚴備

癸未右軍都督僉事方政為平蠻將軍總兵官叅將都指揮
同知蔣貴為左軍都督僉事充副總兵鎮守四川松潘

遼東總兵官都督巫凱奏朝鮮擅攻建州衛請詰問之初朝
鮮奏毛憐衛建州之人詐裝忽刺温野人犯境建州毛憐二
衛謂已還所掠上各諭之至是止巫凱但謹邊備


甲申進士徐朝宗吳鑑葉清為監察御史

起復隴州知州宗儀

國權

宣德八年

七



賑直隸遵化玉田飢

乙酉 上作閔旱詩示諸臣亢陽久不雨夏景將及終禾稼
紛欲槁望電切三農祠神既無益老壯憂忡、饘粥得不繼
何以至歲窮予為兆民主所憂與民同仰首瞻紫微籲天據
精忠天德在發育豈忍民瘼痾施霖貴及早其必昭感通翹
跂望有滄冀以蘓疲瘵

丁亥定松潘中鹽例

戊子釋輕囚

壬辰鴻臚寺少卿潘賜行人高遷中官雷春等使日本賜國

王源義金幣

甲子裁漢中府同知金州判官

江南邳州桐城望江定遠及襄垣等皆飢命賑之

乙未起復貴州右布政使王敏

丙申復廣安衛守禦千戶所裁直隸房山縣主簿

蠲永清固安靈壽灤城獲鹿行唐元氏藁城寧晉高氏析鄉

臨城新河唐山南和鉅鹿廣宗南皮獻縣雞澤邯鄲開州魏


縣長垣元城內黃懷遠靈璧海州邳州沐陽清河安東贛榆

宿遷安邱昌邑解州屯留臨晉上蔡汝州鄧州陝州魯山新

國權

宣德八年

十三



野舞陽南陽唐縣泌陽鎮平葉縣各州縣旱災田租

丁酉夜月食

己亥江西信豐會昌等縣逃民復業

辛丑勅法司錄囚曰比命疏理獄囚念爰暑也旬日矣寂不

奏謂朕虛文耶當死罪者常繫之餘期以五日遣須質理者

聽保領存在毋遲馳諭中外具如勅

癸卯京師齊化門外木廠火

夜大星赤光自壁宿流至濁

己巳行在大理寺左寺丞楊復為廣西按察僉事復忤寺卿

徐初被下獄除名

勅江西署都指揮僉事吳堅以千人鎮守贛州衛巡信豐南

安會昌

丙午行人章聰侯璉諭解烏蒙烏撒爭地仇殺之事俱悅服

戊申築臨漳決隄

夜大星青白光燭地出自左攝提流氐宿

已酉減稅鈔三分之一


冠開平沙窩殺百戶王賢

行在刑部右侍郎葉春卒春字景陽浙江海鹽人本縣吏給

國權

宣德八年

十三



事禮部永樂初尚書呂震薦之授主事進郎中歷兩淮鹽運使福建右叅政宣德三年調四川未赴改巡撫蘇松常浙西擢侍郎致仕賜祭塋

設遷曰立賢無方豈不信哉葉司寇起刀筆吏以文無害推擇為郎奉職循理易見也其巡浙直多奸豪鋤之家怨而戶仇能奮不自顧非其威信足恃耶

七月壬子朔捕宜陽永豐寧蝗

甲寅增戶科給事中戶部廣西司主事各一專理後湖冊夜大星赤光自傳舍流女床

丙辰筠連州茶課司積茶三百萬斤准戶口食鹽給隣衛以有司

已未申私通番國之禁

宥江西永新賊蕭彥真等復業

免山西大同等衛屯租

庚申昏刺月犯房宿


辛酉江西會昌縣盜劉仁遠等伏誅


壬戌設武騎左右騰驤左右四衛俱御馬監牧卒實之已刻大星青白光流雷雲中聲如雷

國權

宣德八年

十四





乙丑崇安廣信大雨水

丁卯福餘衛都指揮僉事安出告年饑求邊城貿易免馬課上從之

戊辰陝司左布政使周璟以侵官磚石改雲南右布政使上素知其乏廉譽語都察院曰璟罪不止于是姑薄警耳昏刺大星青白光燭地自左旗流建星

辛未勅戒群臣脩省

壬申入山西大同鴉兒崖殺千戶朱銘等

免江西南昌南康廣信九江吉安建昌臨江水災田租

癸酉勅行在戶部右侍郎王佐監督京城倉糧

蠲膠州高密日照博興蔚州渾源絳縣稷山安邑夏縣萬泉介休武安及衛輝六縣去年旱災田租

丙子上元江寧當塗蘇州松江清河益城山陽桃源高郵寶應興化定遠蕭縣沛縣碭山霸州平山肥鄉清豐南樂濬縣滑縣等俱去年旱災寬卹之

丁丑少傅大學士楊榮考滿賜褒勅

戊寅上與侍臣論漢高帝唐太宗皆創業者孰優侍臣右太宗上曰太宗才勝高帝義勝

嚴隱匿逃囚之禁

己卯河南左布政使魏源為署行在刑部左侍郎

庚辰諭禮部檄各省擇考官

是月順天蘇薊州魏縣廣平河溢傷稼

八月辛巳朔夜大星赤光燭地自軍井四小星隨之流游氣

壬子雲南總兵官太傅黔國公沐晟以摩沙寨萬夫長刀甕

等侵據馬龍他郎甸長官司請都督同知沐昂討之命馳諭

果不順進師

夜大星青白光燭地自奎西流營室

癸未宥四川都指揮官聚趙諒罪初總兵官陳懷遣之夜走

襲叛蠻適天曙賊覺諒被執尋脫歸以都指揮邢安先退也

下安獄

甲申復江西廬陵忠節祠祀歐陽脩周必大楊邦乂胡銓楊


萬里文天祥


乙酉華陽王悅燿薨謚悼隱

大理寺左少卿山升呂致仕

己丑夜大星青白光燭地自危宿流羽林軍

辛卯山東濟寧東平汶上陽信長山歷城淄川蝗捕之





安南黎利入貢

壬辰召南京兵部右侍郎徐琦命南京戶部尚書黃福兼兵部事

行在右軍左都督陳懷有罪下獄懷鎮四川尊嚴如王者受賄占田宅縱酒失事也

癸巳裁行在戶兵工三部大理光祿鴻臚北京行太僕寺及順天府治中等官七十七人

甲午洛陽偃師孟津鞏縣猗氏濰縣新城滁州全椒來安丹陽江陰各旱命戶部寬恤

湖廣都指揮同知黃榮卒榮江南揚州人
丁酉賑江西瑞昌縣飢

已亥寧夏總兵官都督僉事史昭進嘉禾

南京都知監請修內府各公署不許

癸卯行在工科給事中卜謙為陝西按察僉事仍授內監書進士趙全盧琬蕭啟房威張慶施監生張羽邢端成功吳慶誠尹晉張善李岷為行在監察御史

復楊清扶風典史食正九品俸

丙午昏刻熒惑犯南斗魁

丁未昏刻熒惑犯南斗

閏八月辛亥蕪門荅刺國王宰奴里阿必丁古里國王比里麻
柯枝國王可亦里錫蘭國王不刺葛麻巴忽刺比佐法兒國
王阿里阿丹國王揀立克那思兒甘巴里國王兜哇刺別忽
魯謨斯國王賽弗丁加異勒國王天方國各入貢天方進麒麟
上御奉天門受之蕪門荅刺以弟哈利之漢來朝卒于
京師贈鴻臚寺少卿賜祭葬
夜大星赤光自北河流至濁
壬子昏刻彗出天倉芒丈餘已巳入貫索掃七公已卯入天

市垣又二十四日滅

癸丑日本入貢

丁巳湖南長沙知府李郁署行在兵部右侍郎事

貴州左布政使孟驥致仕

南京監察御史張僉失于奏對降浙江秀水縣丞

戊午昏刻景星見天門

己未禮部請賀景星不許


慶王梅進嘉禾瑞麥

甲子置遞送口北軍囚宿舍

國權

宣德八年

六



丙寅夜大星青白光自參流濁
巳巳召南京都察院右都御史熊堅
夜大星青白光自天鈎流游氣
庚午昏刻彗出貫索三十四日始滅
辛未昏刻大星赤光流雲中
甲戌夜大星赤光自文昌流至濁又大星自天苑流至濁
乙亥瓦刺順寧王脫歡遣使來朝廷臣言明使者三人瓦刺
皆尚未返宜留之 上曰尤而效焉非禮也勅之曰明三使
人于王矣皆未返我國家撫遠甚厚王亦效誠意阻于道路
乎使歸遣之

丁丑昏刻歸邪星見色黃赤

談遷曰戊午景星見天門學士王直進頌鄭曉曰是月有
怪星或曰歸邪按王充論衡王莽時太白經天精如半月
唐咸通五年彗出于婁長三尺司天奏為會譽瑞星宣示
中外今彗與景疊見一時也

戊寅賑安徽霍邱飢貸糧五千九百八十五石


九月癸未許諾生年四十五以上者貢禮部

貸浙江餘杭於潛昌化建德遂安分水等飢民粟

國權

宣德八年

无




丙戌暹羅國王悉里麻哈入貢
戊子夜大星赤光自南河流至濁
庚寅昧爽大星青白光自天舡流至雲
辛卯夜大星赤光自北斗魁流入紫微垣
壬辰昏刻大星青白光自天紀流入華蓋
戊戌熊緊理行在都察院
罷四川梁山採銅時僅得銅三千三百餘斤費工一月
巳刻太白見凡十七日而滅
巳亥勅各邊將嚴守備時和寧王阿魯台部屬皆卜犯涼州

永昌甘肅總兵官都督劉廣遣指揮使李榮追敗之殺皆卜
等八十餘人擒三十餘人

夜大星青白光自壁宿流雷電又大星自弧矢流雲中
癸卯順義伯金順卒順瓦刺人初名阿魯哥失里永樂七年
降授大寧都指揮僉事八年從北征進同知洪熙初進都督
僉事宣德三年從巡邊明年封卒賜祭塋子忠
衛指揮
僉事

乙巳夜大星赤光自北斗魁流入游氣中

丙午陝西按察副使鄺瑩為應天府尹



復王璉行在湖廣道監察御史璉常使遼東設斥堠嚴橫擾坐累遣戍遼人訴其功也

復賈忠江南吳江知縣祿從六品

戊申置雲南東倘長官司仍隸緬甸

十月庚戌朔置雲南鈕兀長官司

壬子木邦宣慰使罕門法奏麓川平緬宣慰使思任發侵占

緬甸宣慰使莽得刺亦奏木邦侵地孟璉長官司奏孟定侵

地下沐晟計之

乙卯夜大星青白光自星宿流至濁沒

丙寅少師吏部尚書蹇義少傅大學士楊士奇各滿三考俱

賜勅

起復茂州知州陳敏

丁巳夜大星赤光燭地自天陰流閣道

戊午行在刑部左侍郎樊敬致仕

庚申前吏部右侍郎王讓卒讓山東益都人監生授國子學

錄進助教直東宮政右贊善


篤于自守

癸亥大星赤光自氐宿流游氣曉刻太白犯亢

國權

宣德八年

五



乙丑夜大星赤光自營室流至濁有一小星隨之

丙寅雲南金齒永昌千戶所改為潞江州千夫長刀珍罕為知州

滿刺加國王西里麻哈者來朝

平江伯陳瑄卒瑄合肥人父聞官指揮同知坐罪瑄代戍遼

陽與賈哈刺再日二十戰累進都督僉事建文時召江防具

舟迎北軍太宗即位封流伯以總兵治漕內渠有功洪熙

初許世襲追封平江侯謚恭襄贈太保兼太子太傅

袁表曰成皇帝定鼎幽燕據天下形勝以制禦北

運其初海運之時多漂溺之患賴平江之功疏通河渠東南

鑿石築隄江浙之粟皆輸淮歷濟灌輸京師誠萬世之利

也今黃河數徙漕渠淤淺議者不知疏通之術而驟開昭

陽新河卒以中止又有議復海運者何濶迂也予曾北遊


涉淮濟間觀大隄高柳路人猶能談平江之遺烈噫安得

興事成功上利國家下安黎民如斯人者哉

戊辰河南布政司右叅政周銓為行在左通政

庚午貸福建崇安上杭飢民粟

甲戌昏刺熒惑犯壘壁陣夜大星青白光燭地自天廩流至



天苑

戊寅總兵官都督劉廣鎮守都督劉昭及太監王安問軍東
番寇劫殺使臣之罪

十一月庚辰朔昏刺大星自天倉流參宿

壬午禁私給站駟

乙酉署左軍都督僉事指揮同知王瑜為都指揮僉事克副

總兵專督餉運

辛卯曉刺太白犯罰星

癸巳誅江西盜朱南鵬

夜大星青白光自北河流文昌

丙申仍給永寧衛賸卒皮衣狐帽

甲辰進士徐瑄賴世隆吳節李紹姜洪虞瑛潘洪王玉陳金

劉寶鄧建方熙何瑄俱選翰林院庶吉士學士王直教習

丙午夜大星青白光濁地自軒轅流文昌南京地震聲如雷

戊申和寧王阿魯台入貢

己酉命行在吏部選外吏文學之士明日列六十八人令閣


試得知縣孔友諒進士胡端禎廖莊宋璉教諭黃純徐惟超

訓導守晏昊改進士為庶吉士餘歷事六科

國權

宣德八年

三




十二月甲寅清平侯吳成卒成遼陽人初名買驢洪武二十年
來歸克永平衛總旗從靖難累進山西都指揮使歷征胡功
宣德初追祿大松功封卒追封梁國公謚壯勇十八人合闕
太子太師署戶部事郭資卒資字存性武安人洪武乙丑進
士初任戶部主事進左遷都御史改北平右叅議左布政使
從靖難守城給餉 太宗皇帝嘗曰朕蕭何也拜即位拜戶
部尚書平生一介不取年七十二追封湯陰伯謚忠襄子佑
廕戶部主事 平濟州 文不 祿
乙未昏刺大星赤光自壘壁陣數小星隨之流至濁

癸亥遣金吾右衛百戶劉祥使烏思藏

己巳夜大星青白光自紫微西蕃流至濁

壬申赤城備禦都指揮僉事方貴還守松潘

甲戌行在工部右侍郎羅汝敬以往陝西提督屯種受賂引
伏下獄



國權

宣德九年甲寅

正月癸未夜大星青白光燭地自七公流天梧

乙酉下百餘人牧大同官山近地命招之

辛卯 上南郊

丁酉行在戶部議運糧及納贖事例

也先帖木兒歸勅寧夏總兵官都督僉事史昭以下
狡來

毋中其計 是月增給宣府諸衛神銃


國權


宣德九年

一

大清宣德九年甲寅正月癸未夜大星青白光燭地自七公流天梧
乙酉下百餘人牧大同官山近地命招之
辛卯 上南郊
丁酉行在戶部議運糧及納贖事例
也先帖木兒歸勅寧夏總兵官都督僉事史昭以下
狡來
毋中其計 是月增給宣府諸衛神銃

國家圖書館, NATIONAL CENTRAL LIBRARY, TAIWAN, R.O.C.





癸卯萬全都指揮使馬昇充叅將提督開平獨石長安嶺永安等處備禦 夜大星赤光自庫樓流至濁

甲辰夜大星赤光燭地自天梧流天津

丁未貸 武平縣飢民粟一千一百七十一石有奇

二月庚戌朔賑江南淮安揚州鳳陽徐州停買辦科徵

乙卯勅河南山東山西兩京淮揚滁州徐州三司及巡按御

史加意撫綏 是日遣諭曲先等衛

戊午湖廣崇信咸陽漢陰雹災免田租

昏刺大星赤光自天舡流至燭

己未未刻大星如斗赤光流至濁

庚申 上朝罷出思賢詩示群臣

辛酉擇武場平則門外或言民樹藝之地罷之仍德勝門外

命行在監察御史二人察視光祿寺


甲子改瓦甸長官司隸都司

乙丑武安侯鄭亨平亭合肥人初任千戶持榜招胡進指揮

僉事從靖難功封後鎮大同境內宴然嚴肅重厚善撫士卒

人不敢干以私追封漳國公謚忠毅妻張氏自經贈淑人

丙寅募商中益開平舊二斗五升減一升



辛未罷行在右軍左都督陳懷

廣寧伯劉湍卒以不知檢身止賜祭

癸酉建州左衛都指揮僉事兀察為都督僉事

甲戌嚴攬納之禁上聞囚罪遣釋有差

乙亥妖僧李車等伏誅勅沐晟及三司勦楚雄等礦盜

夜大星青白光自星宿流雲中

丁丑南京刑部右侍郎段珉卒珉字時舉江南武進人永樂

甲申進士選庶常授刑部主事歷郎中山東左叅政署南京

刑部所至舉其職寬恕廉潔終不負學年五十九子祭葬

瓦剌脫不花王子率眾至兀良哈海襲殺阿魯台妻子部

屬阿魯台輕騎走

三月戊寅朔皇太子始受朝于文華殿

勅各按察及巡按御史兩京督察都司衛所官貪賄侵餉之

廣西總兵官都督僉事山雲討思恩叛蠻斬首一千五百五

級又慶遠等蠻恣掠命廣東都指揮將一千五百人助勦

已卯夜大星青白光自匏瓜流危宿

庚辰召鎮守遼東太監王彥

壬午貴州總兵官都督蕭授請封都司衛合江州等叛蠻命

善御之母輕用兵 夜大星赤光自天槍流文昌

癸未行在翰林院編修陳詢為脩撰國子助教王仙加檢討

甲申廣西總兵官都督僉事山雲奏黎利死子 狂暴凶橫

奸臣黎問黎察構黨仇殺諒山土官阮世寧等來歸命受之

乙酉琉球中山王入貢

丁亥中軍都督僉事祁英卒英河南儀封人

辛卯行在浙江道監察御史張駿為行在大理寺左少卿行

在刑部郎中賀祖嗣為右少卿 壬辰申內府擅脩之罪

勅南京守備襄城伯李隆右僉都御史吳訥等如真盜即決

甲午嚴皇城出入及守衛交直之禁

山雲勦濤柳及思思叛蠻斬七百三十六級

乙未賑登州進武興化徐州任邱保安蓬萊寧海萊陽招遠

棲霞福山及萬全都司災民

丙申知府李郁為行在兵部右侍郎布政使魏源為行在刑

部左侍郎

庚子命都督劉聚總督南京湖廣運物監察御史周皞協治


倭二十餘艘寇連江縣


辛丑起復行在刑部右侍郎白勉禮部右侍郎吳紳

國權

宣德九年

四





四川布政司右叅議沈升服滿命叅贊薊州軍務

福建都指揮周玉捕盜尤溪南靖間死之

壬寅夜大星青白光自太微垣流翼宿

癸卯命行在錦衣衛指揮王裕御史張琦往安慶捕盜

四月辛亥賑湖廣安陸黃陂等縣

夜大星青白光燭地流雲中

癸丑設畢力木江衛指揮使司

西番孔道

貸鳳陽飢民倉粟

丁巳羅南昌臨江廣信顏料竹木等雜派

己未錄輕囚

兵部右侍郎徐琦還自安南言黎麟告喪

庚申建州左衛都督僉事凡察奏去年野人木答忽木冬哥

哈當加等糾七姓野人入寇殺右都督猛哥帖木兒宜問罪

命指揮僉事施者顏帖木兒等諭宥之

辛酉迤北和寧王阿魯台言為瓦剌所敗 上勅慰勞之

乙丑滿刺加國王西哩麻哈刺入貢

戊辰 上閱決獄遣千三百餘人

行在工部右侍郎羅汝敬罪充為事官仍提督陝西屯租

壬申定北京山東贖罪納米例
賑錢塘富陽昌化上虞山陰會稽定海鄞縣縉雲嘉興黃巖
行在鴻臚寺丞劉清受入二金論死已謫佃通州右都御史
熊槩執論仍繫之
五月丁丑朔濟寧滋陽鄒縣祥符蝗命捕之
戊寅湖南順慶府大雨水
己卯行人郭濟朱弼往祭安南黎利
定貴州輸粟贖罪例大辟三十石流罪二十五石徒罪以下
遞減有罪差

壬申瘞京師暴骸

募商中益粟密雲黑峪口倉資霧靈山採木軍匠

癸未書讓遼王貴烜以諸弟失愛也

暹羅入貢

賑蘓州和州吳橋安邑旱飢

孝陵衛指揮使梅景純卒予祭葬

梅殷之子


甲申夜大星赤白光自羽林軍流至濁

己丑河南按察使朱仲安卒仲安浙江蕭山人授教諭自武
進主簿陞知縣降定興縣丞薦拜御史進湖廣按察副使調

國權

宣德九年

六



交趾降御史遷今官 仁宗嘗曰朱仲安御史之翹楚也居
官廉重務存大體

癸巳北京國子監助教潘哲加行在翰林院檢討

復師懋沔陽衛經歷祿從六品周禮靈壽縣丞祿從七品

乙未勅責巡按浙江監察御史王憲及三司捕盜

許江西宜黃縣苧布准租

貸和州滑縣官廩

丁酉嚴侵害軍士之禁 上曰朝廷優恤軍士贍以衣食使
使感恩而勇公戰也比聞糧絮易賄充饋則蛇豕也欲使接

法行誅謂朕不教而殺自今犯者死家成邊

庚子起復行在禮部右侍郎吳紳至京改南京刑部

行在戶部議屯軍如洪武永樂例邊衛十三城守十之七內

衛十二城守十之八從之


昏刺歲星犯軒轅大星

是月順天薊霸武清永清東安固安曲周廣平鉅鹿元氏各

大雨水

六月丁未占城國王巴的賴入貢

戊申今秋期民居離城二十餘丈毋偏城時民家火延燒文



明門樓

脩容城縣決隄

昏刺大星青赤光燭地自房宿流斗又大星赤光自太微西

垣流游氣又大星自文昌流至濁

己酉木柵長官司改隸施州衛

壬子復樊鎮山西布政使左叅政祿正三品

授巫英為廣寧衛指揮僉事上聞巫凱中流矢被傷足故

錄用其子

乙卯夜大星赤光自婁宿流梗河

戊午廣西總兵官都督僉事山雲為右軍都督同知

庚申成國公朱勇禮部尚書胡濙封什迦也失為萬行妙明

真如上勝清淨般若弘照普應輔國顯教至善大慈法王西

天正覺如來自在大負通佛

錄廣西征蠻功

甲子雨雷震大祀壇西門獸吻昏刺大星青白光自南斗流

至濁


丙寅蜀王友堽薨初封羅江王淳厚端謹言動率禮未嘗有

過年二十六謚曰僖

國權

宣德九年

八



免涿州文安鉅鹿去年水災田租一千三百四十五石

丁卯夜大星赤光自左攝提流至濁旦赤星自雲中流至濁
戊辰昏刻赤星自東咸流角宿

已巳以遼王貴烜恨衛陽王貴賢母子過絕之上書諭其
速改

豐城等縣饑強掠富家穀巡撫侍郎趙新等請罪之 上民
不許勅賑撫之

庚午增桂陽興寧縣丞主簿各一
免順天涿州文安等災租二萬八千八百七十二石

渾河水決狼窩口至小屯廠

源陽江寧通州泰州如臯興化泰興蕪湖來安和州含山稷
山各旱災

辛未除青州萊州揚州江浦永平廣平河間平陽霍州通租
行在工部尚書吳中請禁蔚州湖廣產木山場擅採伐
以利民姑已之

趙州樂城高邑隆平寧晉肅縣無為臨邑德州武定陽信樂
陵等縣各旱

七月丁丑夜大星赤光自危宿流雲中

國權 宣德九年

九

